

全唐詩目錄 三函

第五冊

李白 九卷至十七卷



李白

全唐詩

李白

秋日鍊藥院鐻白髮贈元六兄林宗

木落識歲秋。瓶冰知天寒。桂枝日已綠。拂雪凌雲端。弱齡接光景。矯翼攀鴻鸞。投分三十載。榮枯同所歡。長吁望青雲。鐻白坐相看。秋顏入曉鏡。壯髮凋角冠。窮與鮑生賈。饑從漂母餐。時來極天人。道在豈吟嘆。樂毅方適趙。蘇秦初說韓。卷舒固在我。何事空摧殘。

書情贈蔡舍人雄

嘗高謝太傅

一作嘗問謝安石

攜妓東山門。楚舞醉碧雲。吳歌斷清

援。暫因蒼生起。談笑安黎元。余亦愛此人。丹霄冀飛翻。

遭逢聖明主敢進興亡言

一本此下有峨眉積譏
鯪魚目喚瑱璚二句

白璧竟何辜

一作本無恨

青蠅遂成冤一朝去京國十載客梁園猛犬吠九

關殺人憤精神皇穹雪冤枉白日開氛昏泰階得夔龍

桃李滿中原倒海索明月凌山採芳蓀媿無橫草功虛

負雨露恩跡謝雲臺閣心隨天馬轅夫子王佐才而今

復誰論層飈振六駟不日思騰騫我縱五湖櫂煙濤怒

崩奔夢釣子陵湍英風

一作芬

緬猶存彼

一作徒

希客星隱弱植

不足撥千里一迴首萬里一長歌黃鶴不復來清風愁

奈何舟浮瀟湘月山倒洞庭波投汨笑古人臨濠得天

和閑時田畝中搔背牧雞鷺別離解相訪應在武陵多

憶襄陽舊遊贈馬少府巨

昔爲大堤客。曾上山公樓。開窓碧嶂滿。拂鏡滄江流。高
冠佩雄劍。長揖韓荊州。此地別夫子。今來思舊遊。朱顏
君未老。白髮我先秋。壯志恐蹉跎。功名若雲浮。歸心結
遠夢。落日懸春愁。空思羊叔子。墮淚峴山頭。
一作何時共攜手更醉峴山頭

對雪獻從兄虞城宰

昨夜梁園裏。弟寒兄不知。庭前看玉樹。腸斷憶連枝。
訪道安陵遇蓋還。爲余造真籙。臨別留贈。

清水見白石。仙人識青童。安陵蓋夫子。十歲與天通。懸
河與微言。談論安可窮。能令二千石。撫背驚神聰。揮毫
贈新詩。高價掩山東。至今平原客。感激慕清風。學道北海
仙。傳書藥珠宮。丹田了玉闕。白日思雲空。爲我草真

錄天人慙妙工。七元洞豁落八角。輝星虹三災。蕩璿璣
蛟龍翼微躬。舉手謝天地。虛無齊始終。黃金滿高堂。答
荷難克充。下笑世上士。沉魂北羅豐。昔日萬乘墳。今成
一科蓬。贈言若可重。實此輕華嵩。

贈崔郎中宗之

時謫官金陵

胡雁拂海翼。翔翔鳴素秋。驚雲辭沙朔。飄蕩迷河洲。
有如飛蓬人。去逐萬里遊。登高望浮雲。彷彿如舊丘。
日從海傍沒。水向天邊流。長嘯倚孤劍。目極心悠悠。
歲晏歸去來。富貴安可求。仲尼七十說。歷聘莫見收。
魯連逃千金。珪組豈可酬。時哉苟不會。草木爲我傳。
希君同携手。長往南山幽。

贈崔諮議

綠驥本天馬。素非伏櫪駒。長嘶向清風。倏忽凌九區。何
言西北至。卻走東南隅。世道有翻覆。前期難豫圖。希君
一翦拂。猶可聘中衢。

贈昇州王使君忠臣

六代帝王國。三吳隹麗城。賢人當重寄。天子借高名。巨
海一邊靜。長江萬里清。應須救趙策。未肯棄侯嬴。

贈別從甥高五

魚目高泰山。不如一璵璠。賢甥卽明月。聲價動天門。能
成吾宅相。不減魏陽元。自顧寡籌略。功名安所存。五木
思一擲。如繩繫窮猿。櫪中駿馬空。堂上醉人喧。黃金久

已罄爲報故交恩聞君隴西行使我驚心魂與爾共飄
飄雲天各飛翮江水流或卷此心難具論貧家一作居羞好
客語拙覺辭繁三朝空錯莫對飯一作飲卻慚冤自笑我非
夫生事多契濶蓄積萬古憤向誰得開豁天地一浮雲
此身乃毫末忽見無端倪太虛可包括去去何足道臨
岐空復愁肝膽不楚越山河亦衮裊雲龍若相從明主
會見收成功解一作若相訪溪一作綠水桃花流

贈裴司馬

翡翠黃金縷繡成歌舞衣若無雲間月誰可比光輝秀
色一如此多爲眾女讖君恩移昔愛失寵秋風歸愁苦
不窺隣泣上流黃機天寒素手冷夜長燭復微十日不

滿匹鬢蓬亂若絲猶是可憐人容華世中稀向君發皓齒顧我莫相違

叙舊贈江陽宰陸調

泰伯讓天下仲雍揚波濤清風蕩萬古跡與星辰高
吳食東溟陸氏世英髦多君秉古節嶽立冠人曹風流
少年時京洛事遊遨腰間延陵劍玉帶明珠袍我昔鬪
雞徒連延五陵豪邀遮相組織呵嚇來煎熬君聞萬叢
人鞍馬皆辟易告急清憲臺脫余北門厄間宰江陽邑
翦棘樹蘭芳城門何肅穆五月飛秋霜好鳥集珍木高
才列華堂時從府中歸絲管儼成行但苦隔遠道無由
共銜觴江北荷花開江南楊梅熟正好飲酒時懷賢在

心目掛席拾海月乘風下長川多沽新豐醪滿載剡溪
船中途不遇人直到爾門前大笑同一醉取樂平生年
一本作泰伯讓天下仲雍揚波濤清風蕩萬古跡與星辰高開吳食東溟陸氏世英髦夫
子特峻秀岳立冠人曹風流少時京洛事遊遨慘驛紅陽燕王劍明珠袍一諾許他人
千金雙錯刀滿堂青雲士望美期丹霄我昔比門厄摧如一枝蒿有虎挾雞徒連延五陵
豪邀遞來組織阿喇相前紫君披萬人叢脫我如獵牢此恥竟未刷且食綴山桃非天雨
文章所祖託風騷蒼蓬老壯髮長束未逢遭別君幾何時君無相思否鳴琴坐高樓淒水
淨窓牖政成聞雅頌人吏皆拱手投及有餘地迴車攝江陽館雜非易理先威挫豪強城
門何肅穆五月飛秋霜好鳥集珍木高才列華堂時從府中歸絲管儼成行但苦隔遠道
無由其銜騰江北荷花開江南楊梅鮓挂席拾海月乘風下長川多沽新豐醪載滿剡溪
船中途不遇人直到爾門前
大笑同一醉取樂平生年

贈從孫義興宰銘

天子思茂宰天枝得英才朗然清秋月獨出映吳臺落
筆生綺綉操刀振風雷蠖屈雖百里鵬騫望三台退食
無外事琴堂向山開綠水寂以閑白雲有時來河陽富

奇藻彭澤縱名杯所恨不見之猶如仰昭回元惡昔涖
天疲人散幽草驚川無活鱗舉邑罕遺老誓雪會稽耻
將奔宛陵道亞相素所重投及應桑林獨坐傷激揚神
融一開襟絃歌欣再理和樂醉人心蠹政除害馬領巢
有歸禽壺漿候君來聚舞共謳吟農人棄蓑笠蠶女墮
纓簪歡笑相拜賀則知惠愛深亞相李公重之以能政
中丞李公免罷以移官歷職吾
所聞稱賢爾爲最化治一邦上名馳三江外峻節貫雲
霧通方堪遠太能文變風俗好客留軒蓋他日一來遊
國之嚴光灘

草創大還贈柳官迪

天地爲橐籥周流行太易造化合元符交媾騰精魄自

然成妙用孰知其指的羅絡四季間綿微無一隙日月
更出沒雙光豈云隻姪女乘河車黃金充轆轤執樞相
管轄摧伏傷羽翮朱鳥張炎威白虎守本宅相煎成苦
老消鑠成津液髣髴明窗塵死灰同至寂一作鑄冶人赤
色十二周律曆赫然稱大還與道本無隔白日可撫弄
清都在咫尺北酆落死名南斗上生籍抑予是何者身
在方士格才術信縱橫世途自輕擲吾求仙棄俗君曉
損勝益不向金闕遊思爲玉皇客鸞車速風電龍騎無
鞭策一舉上九天相攜同所適

贈崔司戶文昆季

雙珠出海底俱是連城珍明月兩特達餘輝傍照人英

聲振名都。高價動殊鄰。豈伊箕山故。特以風期親。惟昔不自媒。擔簦西入秦。攀龍九天上。忝列歲星臣。布衣侍丹墀。密勿草絲綸。才微惠渥重。讒巧生緇磷。一去已十載。今來復盈旬。清霜入曉鬢。白露生衣巾。側見綠水亭。開門列華茵。千金散義士。四坐無凡賓。欲折月中桂。持在爲寒者薪。路傍已竊笑。天路將何因。垂恩儻卹山。報德有微身。

贈溧陽宋少府陟

李斯未相秦。且逐東門免。宋玉事襄王。能爲高唐賦。常聞綠水曲。忽此相逢遇。掃灑青天開。豁然披雲霧。威蕤紫鸞鳥。巢在峴山樹。驚風西北吹。飛落南溟去。早懷經

濟策特受龍顏顧。白玉棲青蠅。君臣忽行路。人生感分義。貴欲呈丹素。何日清中原。相期廊天步。

戲贈鄭溧陽

陶令日日醉。不知五柳春。素琴本無絃。漉酒用葛巾。清風北窗下。自謂羲皇人。何時到栗里。一見平生親。

贈僧崖公

昔在鴈陵東。學禪白眉空。大地了鏡徹。迴旋寄輪風。攬彼造化力。持爲我神通。晚謁泰山君。親見日沒雲。中夜卧山月。一作夜臥雪上月拂衣迷人羣。授余金仙道。曠劫未始聞。冥中發天光。獨朗謝垢氛。虛舟不繫物。觀化遊江濱。江濱遇同聲。道崖乃僧英。說法動海嶽。遊方化公卿。手秉玉

塵尾如登白樓亭微言注百川疊疊信可聽一風鼓羣
有萬籟各自鳴啟閉入窗牖託宿掣電霆自言歷天台
搏壁躡翠屏凌兢石橋去恍惚入青冥昔往今來歸絕
景無不經何日更携手乘杯向蓬瀛

遊溧陽北湖亭望瓦屋山懷古贈同旅

一作贈
孟浩然

朝登北湖亭遙望瓦屋山天清白露下始覺秋風還遊
子託主人仰觀眉睫間目色送飛鴻邈然不可攀長吁
相勸勉何事來吳關聞有貞義女振窮溧水灣清光了
在眼白日如披顏高墳五六墩岑兀棲猛虎遺跡翳九
泉芳名動千古子胥昔乞食此女傾壺漿運開展宿憤
人楚鞭平王凜冽天地間聞名若懷霜壯夫或未達十

步九太行與君拂衣去萬里同鄒翔

醉後贈從甥高鎮

馬上相逢揖馬鞭客中相見客中憐
欲邀擊筑悲歌飲正值傾家無酒錢
江東風光不惜人枉殺落花空自春
黃金逐手快意盡昨日破產今朝貧
丈夫何事空嘯傲不如燒卻頭上巾
君爲進士不得進我被秋霜生旅鬢
時清不及英豪人三尺童兒重廉藺
匣中盤劍裝鱗音魚閑在腰間未用渠且將換酒與君醉
醉歸託宿吳又音專諸

贈秋浦柳少府

秋浦舊蕭索公庭人吏稀
因君樹桃李此地忽芳菲
搖

筆望白雲開簾當翠微時來弭以月縱酒酣清暉而我
愛夫子淹留未忍歸

贈崔秋浦三首

吾愛崔秋浦宛然陶令風門前五楊柳井上二梧桐山
鳥下廳事簷花落酒中懷君未忍去惆悵意無窮

崔令學陶令北窗常晝眠抱琴時弄月取意任無弦見
客但傾酒爲官不愛錢東臬春事起種黍早歸田

一作東臬多種

黍勸爾
早耕田

河陽花作縣秋浦玉爲人地逐名賢好風隨惠化春水
從天漢落山逼畫屏新應念金門客投沙弔楚臣

望九華贈青陽韋仲堪